

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 677. Quisnam igitur sit effectus clausulæ codicillaris.

[urn:nbn:de:hbz:466:1-73957](#)

tetur, per duos testes, qui viderunt testatorem ea interferentem aut in separata charta scribentem probetur) in quo casu posteriore testes subscribere debent: nisi forte per Notarium publicum fieret instrumentum.

2. Resp. Ad secundum primò: apponitur hæc clausula in testamento vel litteris vel verbis. Lau- terb. *ad ff. de jure codicill.* §. 17. Quocunque modo conceptis, five sint præteriti temporis, five praesentis, five futuri: si non valeat: si non valebit: si non valebit: five conceptis alternativè: valeat vel ut testamentum, vel ut codicillus: five copulativè: valeat & jure testamenti & jure codicillorum. Ut Terret. *de effect. & defect. claus. codicill.* q. 12. §. 14. Tusch. *pract. concl. lit. C. concl. 292. num. 6.* Pratis. *de interpret. ult. volunt. fol. 10. n. 75.* Muller. *l. c. tb. 63. lit. B.* Item apponitur verbis dictam clausulam vel clarè exprimentibus ut dum dicitur: si hæc mea dispositio non valeat ut testamentum, volo eam valere ut codicillum, vel tacitè id ipsum comprehendentibus, ut dum dicitur: si hæc mea dispositio non valeat ut testamentum, cupio tamen, ut valeat, quocunque modo valere potest: eo ipso enim comprehenditur modus quo valere potest jure codicilli, vel in vim fideicommissi, legati, donacionis causâ mortis. Muller. *l. c. tb. 61. lit. A.* quarum clauſularum posteriorum, quia aliqui pinguorem, alii ejusdem efficacia censent, praxis ferè hodieum obtinet, ut utraque simul cuivis testamento adhibeatur, verum utramque hanc clausulam nomine clausula codicillaris expressæ, illam vero tacitam dicendam, quæ nullis verbis aut literis exprimitur, sed solum inesse testamentis. v. g. inter liberos, milites & ad pias causas presuminunt, pro ut hanc sententiam amplectantur. Vsq. *de succeſ. progr. l. 3. §. 3. num. 38.* Covar. *in c. Raynunis. b. t. §. 3. num. 15.* Menoch. *L. 4. presump. 31.* Carpz. *p. 3. c. 4. d. 38.* Brunem. *ad L. fin. c. de codicill. n. 11.* & alii, quos citat Muller. *l. c. lit. B.* contrarium tenentibus, seu clausulam tacitam in hoc sensu rejec- tibus, & nullam inesse ulli testamento clausulam, nisi in eo expressis verbis continetur. Giphano. *ad cit. l. fin. c. de jur. codicil.* Chifflet. *de jur. fideicom. L. 3. c. 2. §. 3.* Ludvvel. *de ult. vol. p. 2. c. 5.* &c. quibus adhærente videtur Muller. *l. c. tb. 62.* dum citatis pro hoc *L. 1. ff. de jur. codicil.* Tusch. Simon. *de Pratis & aliis,* ait non præsumi adiectam codicillarem clausulam, nisi in specie in testamento appareat; cum clausula codicillaris non expressa non subintelligatur.

3. Resp. Ad secundum secundò: dum dicta clausula adjecta est manu Notarii, in dubio censemur adjecta non ex mera consuetudine Notariorum, sed ex præsumpta voluntate testatoris. Barbos. *de claus. claus. 21. n. 3.* Stru. *in ff. de jur. codicill. th. 62. lit. a.* Muller. *ibid.* cum omnia, quæ in testamento scripta, regulariter propter fidem Tabellionis præsumuntur esse scripta de voluntate testatoris saltem implicita; dum hic in dubio censemur eidem demandasse apponere omnes clausulas salutares & consuetas. de Pratis. *l. c. num. 55. & seq.* Muller. *l. c.* Quamvis autem tutius sit, ut Notarius hanc clausulam ad fusum exprimat; videtur tamen sufficere, si adjecterit clausulam cæteratam, ut loquuntur AA. scribendo: si hoc testamentum non potest valere jure testamenti, valeat & cetera. cum nemini dubium, quod per illam particulam & cetera indi- centur formalia clausula codicillaris. dum enim Notarius communiter sic soleat eam exprimere, censi non debet omissa, sed compendii causâ, sub-

illa particula inclusa; quæ post modum extendi pos- test, competente hac potestate Notarii, ut queant protocollum abbreviatum & cæteratum extendere secundum consuetudinem generalem, addendo illa, quæ subintelliguntur de consuetudine. Muller. *l. c.* cuu Carpz. *L. 6. resp. 7. n. 27.*

Ques. 676. *Ut clausula codicillaris or- dinaria vim suam exerceat & effec- tum suum habeat, quænam requi- rantur.*

R Esp. Requiritur primò, ut persona testatoris sit habilis ad testandum, ita ut si testamentum ex hac parte patiatur defectum clausula dicta nihil proficit. Carpz. *p. 3. c. 4. d. 29. num. 2.* Stru. *ad ff. de jur. codicil. th. 66. lit. a.* Muller. *ibid.* Secundò ut constet de voluntate testatoris; ita ut, si testamentum sit imperfectum ratione deficientis voluntatis requisita ad testandum per clausulam codicillarem, sustineri nequeat in ratione codicilli juxta clarum textum. *L. 11. §. 1. de legar. 3. & 1. 29. ff. de testam.* si quidem hæc clausula corroborare & confirmare tantum potest voluntatem testatoris, non autem eandem alterare & extendere. Barbos. *de claus. claus. 21. num. 27. & 28.* Mantic. *de conject. ult. vol. 1. 6. tit. 4. num. 15.* Menoch. *conf. 532. num. 20.* & tr. *de presump. l. 4. presump. 5. num. 6.* Gra- tian. *discep. for. c. 550. num. 9.* Gail. *L. 2. obs. 114. num. 12.* & alii, quos citat & sequitur. Muller. *l. c. lit. B.* Atque ita, dum testamentum est coactum, nimis voluntate extorta vi metuē, clausula adjecta nihil operatur. Harpr. *de testam. ratione vo- luntatis imperf.* *th. 35.* Muller. *l. c.* Ad quem defec- tum etiam reducitur, dum testator cœperit scribere ultimam voluntatem, non tamen ad finem perduxit. Stru. *l. c. quamvis,* ut Muller. velint aliqui, ut si testator occupatus in testamento faciendo vehe- mentia morbi impeditus, voluntatem suam, ut ab initio constituerat, perfectè explanare non potuerit, adiectam clausulam operari, ut scriptura, quæ ad testamentum parabatur, quod ad ea, quæ ibi existant scripta (non vero ad ea, quæ ibi omisa, cum de illis difficultis sit collectio) valeat in vim codicillorum. pro quo sententia citantur à Muller. Giphano. *in l. fin. §. ult. c. de codicil.* Schv vendendorff. *de codil. th. 4. lit. e.* Tertiò requiritur ut testator in præsencia duorum testium similem schedam scriperit vel sub- scriperit, tunc enim valeret testibus etiam non auditis vel mortuis. quin & valere talem clausulam non tantum quod ad legata & fideicomissa, sed etiam quod ad hæredis institutionem & immutationem à Schmid bene probari assent Reiffenst. *b. t. n. 726.* quem vide. Quartò requiritur, ut testamentum faltem illas solennitates habeat, quæ ad codicillum requiruntur; cum dispositio illa in vim codicilli nul- latenus valere possit, quæ solennitates & juris requi- sita ad codicillum non habet. v. g. dum ad testamen- tum ne quidem quinque testes adhibiti. Quintò ut codicillus secundum se legitimè confectus subsi- stat. Unde si codicillus separatim à testamento fa- cetus caret solennitate aliqua ad confectionem codi- cilli essentialiter requisita, frustra adjicetur dicta clausula testamento, vel etiam ipsi codicillo; ut dum diceretur: volo hanc dispositionem meam codicil- larem valere, quocunque modo valere potest.

Ques. 677. *Quisnam igitur sit effectus clausula codicillaris.*

1. R Esp. Si itaque requisita codicillorum perfec- tæ servata, effectus clausula codicillaris ordina-

riæ sunt ferè sequentes. Primus ac præcipuus, ut testamentum deficiente solennitate aliqua. v. g. quia tantum adhibiti sex vel quinque testes, vel non omnes rogati, vel non debite subscriperunt, vel non subsigillarunt, subsistat nihilominus ut fideicommissum vel legatum; ita ut hæres in eo scriptus, alias etiam ab intestato succedens, si testamentum validum fuisset, teneatur omnia legata & fideicommissa particularia per tale testamentum nullum relicta teneatur solvere. L. fin. §. 1. c. de codicil. l. 29. ff. quid testam. fac. poss.

2. Secundus effectus est, quod hæredes scripti vi hujus clausulae per indirectum bona hæreditaria, quæ directo ob testamentum nullitatem consequi non poterant, consequantur per modum fideicommissi universalis. Jafon. in Autb. 22. c. de liber. præterit. Tusch. Lit. C. concl. 404. & 292. Gail. L. 2. obs. 141. num. 1. Laym. L. 3. tr. 5. c. 8. num. Faber. in Cod. l. 3. tit. 5. d. 7. num. 2. Carpz. p. 3. c. 4. d. 38. num. 4. Turret. de effec. cl. inf. codicill. q. 1. n. 1. Reiffenst. b. t. num. 720. Muller. l. c. th. 65. lit. B. dum in hoc casu de testamento vi dictæ clausula subsistente tanquam fideicommisso universalis perinde censemur, ac si testamentum nullum conseretur, & codicillus se haberet, non tanquam nudum accessoriū, sed per se quoddammodo subsistere, & naturam alicuius novi principalis inducere; ita ut hæres ab intestato successurus, veluti ad hoc rogatus, pefuncti voluntatem implere teneatur, adeoque hæreditatem salvo tamen jure Trebellianica, quin & legitima, si hæres ab intestato est filius, restituere teneatur. Lauterb. l. c. §. 22. Muller. l. c. Lit. e.

3. Tertius: quod si mili modo dictæ clausula conservet legata & fideicommissa particularia, eti hæreditas adita non sit. Lauterb. l. c. citatis Carpz. p. 3. c. 2. d. 21. Brunem. adl. 14. c. de fideicom. ad hæreliam quoque relinquenda Legatariis & fideicommissariis ab hærede vi dictæ clausula quasi rogato & obligato ad hoc.

4. Quartus, quod obtentu dictæ clausula sustineatur testamentum, si testator sciens uxorem prægnantem posthumum, id est, natum post conditum testamentum in eo præterierit; cum id nulli contrarietur, & de aperta patris clausulam adjacentis voluntate constet per l. 24. §. 11. de fideicom. libert. Muller. l. c. lit. g. cum Jafon. l. c. & Socin. Jun. L. 1. conf. 27. n. 24. ubi etiam, quod si testator posthumo etiam ignoranter præterito postmodum eo nato diu supervixisset & testamentum non mutasset, clausula codicillaris adhuc operetur fideicommissum pro quo citat Tusch. Lit. c. concl. 292. n. 1. & 10. Roland. vol. 4. conf. 7. n. 3. Surd. decif. 14. n. 10. Cravet. cons. 409. n. 14. &c. Quod si vero nato posthumo, testator repentina morte præventus non potuit testamentum mutare, per dictam clausulam non sustineri testamentum jure fideicommissi; et quod præsumatur fuisse mutaturus, si repentina morte præventus non fuisset, ait Idem cum Menoch. L. 4. præsump. 32. num. 36. Decian. L. 1. respons. 37. n. 36. &c.

5. Quintus effectus probabiliter à Muller. l. c. th. 64. Turret. l. c. q. 102. num. 2. Barry. de success. L. 10. tit. 26. Stryck. de claus. codicill. num. 58. Quod, si duo reperiuntur testamenta, quorum prius est solenne nullum patiens juris defectum, posterior ratione omisso solennitatis imperfectum, instruendum tamen clausula codicillari, posteriori vi hujus clausulae nihilominus sustineatur præ priore; et quod ultima voluntas sit attendenda, eoque ani-

mo ultimum testamentum considererit testator, instruxeritque ea clausula, ut valeat; adèque præsumatur voluisse omnino derogare priori per posterius. Quæ contra objici possunt, vide apud eundem.

6. Sextus effectus, quod hæres institutus in testamento instructo dicta clausula agere libitu suo posse, vel ex testamento, dum putat testamentum non esse defectuosum, petendo nimis totam hæreditatem in eo sibi assignatam. vel timens testamentum fortè non subsistere, agere in vim codicilli, vique illius petere, ut hæreditas per modum fidei commissi sibi restituatur. ita tamen, ut ibi coepit agere ex testamento, amplius variare, & hæreditatem in viam codicilli petere non possit, nisi esset ex agnatis usque ad quartum gradum, vel ex cognatis usque ad tertium gradum. ita Reiffenst. b. t. n. 721. quod posterius tenet quoque Lauterb. cit. §. 22. in fine. juxta clarum textum. L. fin. §. 1. & l. 2. c. de codicill.

§. II.

De fideicommisso universali inde que detrahenda legitima Trebellianica.

Quæst. 678. Quid sit fideicommissum & quotuplex.

1. R Esp. Ad primum: fideicommissum in genere pro ut accipitur pro re, quæ fidei committitur, comprehenditq tam fidei commissum universale quam fideicommissa particularia, est, quod alicui à testatore ex bonis hæreditatis illius per medium personam, sive per ministerium & quasi manu alterius extradendum relinquitur. Universale vero est vel tota hæreditas, vel certa pars illius, puta, media vel tertia, quam testator jubet vel rogat hæredem suum, vel ex testamento vel ab intestato successorum (qui exinde etiam hæres fiduciarius, vel hæres gravatus vocatur. L. 46. & 47. ff. ad S. C. Trebell.) restituere certa alicui persona se designata. Particulare est res aliqua particularis. v. g. fundus, torques aureus, certa summa pecunia, de mandato vel rogatu testatoris ab hærede illius alteri restituenda, ita ferè Molin. tr. 2. de j. & j. d. 182. n. 12. Haunold. Tom. 2. de j. & j. tr. 7. n. 125. Pirk. b. t. n. 72. Reiffenst. n. 604.

Dicitur autem in descriptione fideicommissi universalis; vel tota hæreditas vel pars: non enim mindis quam pars illi s fideicommissi potest juxta claros textus. §. 2. & 10. Inst. de fideicom. hæred.

Dicitur etiam; quam testator jubet vel rogat; ita ut rogatus hic hodiendum potius rationem iussionis habeat, quamvis enim jure antiquo fideicommissa sola rogatorum hæredum fide citra aliam obligationem nitebantur, ita ut in potestate fideicommissi gravati esset fideicommissum præstare, nec ne, juxta cit. §. 2. hodierno temen jure fideicommissa etiam veram & strictam obligationem inducant; ita ut etiam hæredes tam ex testamento quam ab intestato per codicillum gravati autoritate prætoria seu officio Judicis cogi possint ad adeundam hæreditatem, eaque aditâ ad præstanta fideicommissa. Pirk. l. c. Molin. l. c. d. 186. inspr. cum commun. juxta cit. §. 2. & l. 14. §. 1. ff. eod. Idque non tantum, ubi testator utitur verbis expressum mandatum continentibus, dicendo. v. g. Titum hæredem instituto, voloque seu mando, ut statim tertiam hæreditatis partem restituat Cajo; sed etiam dum utitur verbis